


ZIZUR NAGUSIKO FESTAK

Kartel lehiaketa 2026



Zizur Nagusiko festak 2025eko irailaren 10etik 14ra
Fiestas de Zizur Mayor del 10 al 14 de septiembre de 2025



Zizur Nagusiko Udala
Ayuntamiento de Zizur Mayor



Zizur Nagusiko Udala
Ayuntamiento de Zizur Mayor

Zizur Nagusiko Festak 2026

· Kartela aukeratzeko lehiaketaren oinarriak ·

1. Lehiaketa honetan 18 urte betetako (kartela emateko egunean beranduenez) pertsona guztiak har dezakete parte. Nahi adina obra aurkez daiteke, baldin eta lanak jatorrizkoak eta argitaragabeak badira. Kanporatu eginen dira edozein modalitatetan argitaraturiko argazkien, kartelen, margolanen, eta abarren plagio -parte batean edo osorik- diren obrak.
2. Teknika libre izanen da eta kartelaren formatua 70 x 50 cm-koa izanen da, formatu bertikalean, euskarri zurrun batean eta finkagailurik gabe, eta herriko armaria agertu beharko da (deskargatzea: [www.zizurmayer.es]) eta testu hau eraman:

**Zizur Nagusiko festak
2026ko abuztuaren 26tik 30era**

**Fiestas de Zizur Mayor
Del 26 al 30 de agosto de 2026**

Obran testua eta armaria jartzeko modua librea izanen da. Testuak irakurtzeko moduko izan beharko du, eta lerro berean edo desberdinetan joan ahalko da, betiere bi hizkuntzak tamaina eta ikusgarritasun berean adierazten badira. Gainera, Zizur hitza behin bakarrik agertzea baimenduko da, betiere herriaren izena argi eta garbi identifikatzen bada. Armaria bertso ofizialean sar daiteke (koloretan edo monokromoan), edo armariaren diseinua kartelaren diseinuari egokitu, betiere ezagutzeko eta identifikatzeko moduko bada. Irudien eta hizkuntzaren erabilera ez-sexista hartuko da kontuan.

3. Lanak astelehenetik ostiralera aurkeztu beharko dira, 08:30etik 14:30era, eta onartzeko epea 2026ko ekainaren 9ko 14:30ean bukatuko da.
Fakturatuta edo posta arruntaz ere igortzen ahalko dira Udaletxera. Bidalketa gastuak igortzailearen kontura izanen dira. Helbidea: Herritarren Arretarako Bulegoa, Zizur Nagusiko Udala. Erreniega parkea z.g., 31180 Zizur Nagusia.
4. Kartelak bilduta, sinadurarik gabe eta atzealdean ikusiko den goiburua idatzirik aurkeztu beharko dira. Kartelarekin batera, gutun-azal itxi batean, kartelaren goiburua, kanpoaldean, eta datu hauek, barnealdean, eman beharko dira: lehiakidearen izen-deiturak, helbidea, telefono zenbakia, posta elektronikoko helbidea eta NANaren fotokopia, baita hark sinaturiko aitortpena, zeinetan aurkezturiko obra jatorrizkoa eta argitaragabea dela adieraziko baitu.
5. Antolatzaileek ez dituzte beren gain hartuko lehiaketara aurkezturiko obrei gertatzen ahal zaizkien akats, kalte edo galtzeak.
6. Ekainaren 12an, epaimahaia, Kultur Arloaren arduradun teknikoa eta diseinua, komunikazioa eta arte plastikoen hiru profesionalen osatua, kartel finalistak hautatuko ditu, 4 gehienez ere, Berdintasun Arloko teknikariaren aholkularitzarekin.

Lan horiek Kultur Etxeko patioan egonen dira ikusgai bertako ohiko orduetan eta Udalaren web orrialdean [www.zizurmayer.es/eu/].

7. **Ekainaren 17tik 24ra** (biak barne) herritarrek parte hartzeko aldia izanen da, zeinetan 16 urtetik gorakoak izanik Zizur Nagusian erroldaturik dauden guztiak beren botoa ematen ahalko baitute, Udalaren web-orriaren bitartez edo aurrez aurre, Udaletxeko Herritarren Arretarako bulegoan, 8:30etik 14:30 bitarte. Aipatu datetan behar bezala dokumentatua eta idatzirik ez dagoen inolako erreklamaziorik ez da onartuko.
8. Lehiaketa egiten den bitartean ezin izanen da, inoiz ere, jendaurrean jakitera eman kartelaren egilea nor den.
9. Kartelik bozkatuena izanen da lehiaketako irabazlea.
10. Sari bakarra finkatu da, 1.100,00 €-koa. Kantitate horri PFEZ gisa dagokion atxikipena aplikatuko zaio.
11. Zizur Nagusiko Udalak kartel sarituaren mota guztietako erreproduktzioak, behar adina, egiten ahalko ditu, libreki erabiltzeko, eta egileak ezin izanen du inolako erreklamaziorik egin.
12. Zizur Nagusiko Udalak erakusketa publiko bat antolatuko du lehiaketako kartel guztiekin. Kultur Etxean egonen da, abuztuaren 17tik 30era, ohiko orduetan.
13. Aurreko oinarrian aipaturiko erakusketa bukatu ondoren, lehiakideek hilabetea izanen dute beren kartelak eramateko, saritua izan ezik, aurrerantzean udal jabetzakoa izanen baita.
Epe horretan eramaten ez badituzte, uko egiten dietela ulertuko da eta egileek erreklamatzeko edo kalte-ordaina jasotzeko eskubide oro galduko dute. Kartelak igortzeko eta itzultzeko gastuak lehiakideen kontura izanen dira.
14. Lehiaketan parte hartzen duten pertsonen oinarri hauek osorik onartzen dituztela jotzen da. Zizur Nagusiko Udalak ahalmena izango du oinarri hauetan aurreikusitako gabeko edozein alderdi ebazteko.

Zizur Nagusia, 2026ko apirillean

DATUEN BABESA

- **Tratamenduaren arduraduna:** Zizur Nagusiko Udala.
- **Helburua:** Zizur Nagusiko festen kartela aukeratzeko lehiaketaren izen-emateak kudeatzea.
- **Eskubideak:** Datuak eskuratzeko, zuzentzeko eta ezabatzeko eskubidea du, baita beste eskubide batzuk ere, informazio gehigarrian azaltzen den bezala.
- **Informazio gehiago:** Udal web orriko pribatasun-abisuan datuen babesari buruzko informazio gehigarri eta zehatza kontsulta dezakezu, <http://www.zizurmayer.es/eu/>